



Broj: 01-50-1-15-23/07
Sarajevo, 19.3. 2008. godine

Z A P I S N I K

24. sjednice Predstavničkog doma
Parlamentarne skupštine Bosne i Hercegovine,
održane 18. i 19. marta 2008. godine

Sjednica je počela 18.3. 2008., u 15 sati. Prisustvovali su joj svi poslanici.

Iz Vijeća ministara BiH na početku sjednice prisustvovali su ministar Sredoje Nović i zamjenik ministra Veselin Poljašević.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, NATO-a, EUPM-a, američke i britanske ambasade, te nevladine organizacije Centara civilnih inicijativa.

U okviru prethodnog pitanja, predsjedavajući Doma Milorad Živković pozvao je Dom da se izjasni o tome da li će se Prijedlog rezolucije o nepriznavanju jednostrano proglašene nezavisnosti Kosova i Metohije (predlagač: Branko Dokić) prethodno razmatrati u nadležnoj komisiji.

Dom nije odlučio da se predložena rezolucija prethodno razmatra u nadležnoj komisiji. "Za" je glasalo 12, "protiv" 15, "suzdržana" su bila četiri poslanika. Kako nije usvojen prijedlog za razmatranje u komisiji, predložena rezolucija je, u skladu s Poslovníkom, automatski uvrštena u dnevni red.

U okviru prethodnog pitanja, na početku sjednice ministar Sredoje Nović dao je pred Domom svečanu izjavu jer je opravdano odsustvovao sa 22. sjednice kada je odobrena Odluka predsjedavajućeg Vijeća ministara BiH o imenovanju ministara i zamjenika ministara.

U uvodnim napomenama o prijedlogu dnevnog reda 24. sjednice predsjedavajući Doma skrenuo je pažnju da je Vijeće ministara BiH tek jučer dostavilo materijal za 9. tačku - Informacija o općoj sigurnosti u Bosni i Hercegovini, s posebnim osvrtom na maloljetničku delinkvenciju, a naziv materijala je: Informacija o trenutnoj sigurnosnoj situaciji u BiH. Upoznao je poslanike o tome da je Kolegij konstatirao da za ovaj materijal nema mišljenja nadležne komisije i podsjetio na odredbu člana 64. stav (1) Poslovnika, po kojoj se u dnevni red ne uvštavaju pitanja za koja nadležna komisija nije dostavila mišljenje. Zato Kolegij predlaže da se ova tačka skine s dnevnog reda i Informacija proslijedi nadležnoj komisiji.

Predsjedavajući je upoznao Dom i o tome da je Tužilaštvo BiH zatražilo da se s dnevnog reda ove sjednice skine Informacija o radu Tužilaštva BiH u 2007. godini zato što v.d. glavnog tužioca nije u mogućnosti biti na sjednici zbog odsustva iz zemlje.

U raspravi o prijedlogu dnevnog reda Denis Bećirović predložio je da se u dnevni red uvrsti izjašnjavaње o inicijativi za donošenje strategije o borbi protiv korupcije u Bosni i Hercegovini.

Bakir Izetbegović predložio je da se 16. tačka –Imenovanje tri člana u Zajedničku komisiju radi usaglašavanja identičnog teksta Zakona o izmjenama i dopunama Zakona o putnim ispravama BiH, premjesti na 7. ili 8. mjesto, za što je zamoljen od resornog ministarstva, jer im se žuri da rade na tome.

Predsjedavajući Živković odgovorio je da se svakako glasa na kraju sjednice, pa se pomjeranjem tačke ne dobiva ništa posebno.

Poslije rasprave, Dom se izjasnio o prijedlogu Denisa Bećirovića za dopunu dnevnog reda.

Sa 15 glasova "za" (Federacija BiH 10, RS pet), 12 "protiv" i šest "suzdržanih", usvojen je prijedlog Denisa Bećirovića da se u dnevni red uvrsti inicijativa za donošenje strategije za borbu protiv korupcije u Bosni i Hercegovini.

Predsjedavajući Milorad Živković konstatirao je da 24. sjednica Predstavničkog doma ima sljedeći

D N E V N I R E D

1. Prijedlog zakona o izmjenama i dopunama Izbornog zakona BiH, drugo čitanje;
2. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, drugo čitanje;
3. Prijedlog zakona o izmjenama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu (predlagač: Vijeće ministara BiH), sa Izvještajem Zajedničke komisije za odbranu i sigurnost;
4. Prijedlog okvirnog zakona o zaštiti i spašavanju ljudi i materijalnih dobara od prirodnih i drugih nesreća u BiH, prvo čitanje;
5. Prijedlog zakona o izmjenama i dopunama Zakona o krivičnom postupku BiH, prvo čitanje;
6. Prijedlog zakona o dopuni Zakona o službenom glasilu Bosne i Hercegovine (predlagač: poslanik Adem Huskić), prvo čitanje;
7. Izvještaj Zajedničke komisije o usaglašavanju teksta Zakona o internoj reviziji institucija Bosne i Hercegovine;
8. Odluka Predsjedništva BiH o utvrđivanju kandidata na generalske pozicije u Oružanim snagama BiH (broj:01,02-03-110/08 od 23.1.2008.), radi potvrđivanja;
9. Informacija Vijeća ministara BiH o aktivnostima u vezi sa osnivanjem i radom Komisije za ispitivanje istine o stradanju Srba, Hrvata, Bošnjaka, Jevreja i ostalih u Sarajevu, u periodu od 1992. do 1995. godine;
10. Izvještaj o zaštiti ličnih podataka u Bosni i Hercegovini i o radu Komisije za zaštitu podataka za 2007. godinu;
11. Izvještaj o radu Državne regulatorne komisije za električnu energiju u 2007. godini;
12. Izvještaj o radu Ureda za razmatranje žalbi u 2007. godini;
13. Prijedlog rezolucije o odgovornosti (predlagači: poslanici Kluba SNSD-a);
14. Imenovanje tri člana u Zajedničku komisiju radi usaglašavanja Zakona o izmjenama i dopunama Zakona o putnim ispravama Bosne i Hercegovine;
15. Prijedlog za dopunu interparlamentarnih grupa prijateljstva Parlamentarne skupštine BiH (predlagač: Komisija za vanjske poslove Predstavničkog doma);
16. Prijedlog rezolucije o nepriznavanju jednostrano proglašene nezavisnosti Kosova i Metohije (predlagač: poslanik Branko Dokić);
17. Inicijativa poslanika Denisa Bećirovića o donošenju strategije o borbi protiv korupcije u Bosni i Hercegovini.

Ad.1. Prijedlog zakona o izmjenama i dopunama Izbornog zakona BiH, drugo čitanje

U uvodnim napomenama predsjedavajući je podsjetio da je nadležna komisija usvojila 13 amandmana na Prijedlog zakona, kao i da je u plenarnoj fazi podneseno više amandmana.

Šefik Džaferović govorio je u ime Ustavnopravne komisije.

U raspravi u drugom čitanju učestvovali su: Momčilo Novaković, Martin Raguž, Ekrem Ajanović, Halid Genjac, Milorad Živković, Šefik Džaferović, Niko Lozančić, Drago Kalabić, Beriz Belkić, Remzija Kadrić, Sadik Ahmetović, Jerko Ivanković Lijanović, te predsjednik Centralne izborne komisije Suad Arnautović.

U vrijeme glasanja predsjedavajući je obavijestio Dom da se Kolegij konsultirao u vezi s ovom tačkom dnevnog reda, pa da, zbog velikog broja amandmana, predlaže da se izjašnjavanje o Prijedlogu zakona u drugom čitanju odgodi, a da se grupa koja je radila na pripremi Prijedloga zakona pokuša usaglasiti o amandmanima, a i ako se ne usaglasi, Prijedlog zakona bit će uvršten u dnevni red naredne sjednice, kada će se Dom izjasniti o Prijedlogu zakona.

Dom je ovaj prijedlog Kolegija prihvatio bez glasanja.

Ad. 2. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, drugo čitanje

U uvodnim napomenama predsjedavajući je podsjetio da je nadležna Ustanopravna komisija Prijedlog zakona prihvatila u predloženom tekstu, kao i da je Sadik Ahmetović u plenarnoj fazi podnio dva amandmana koje želi braniti.

U raspravi su učestvovali: Beriz Belkić, Rifat Dolić, Šefik Džaferović, Ekrem Ajanović, Momčilo Novaković i Sadik Ahmetović.

Poslije rasprave, Dom je usvojio amandmane Sadika Ahmetovića – "za" prvi amandman glasalo je 28 (Federacija BiH 19, RS devet), "protiv" tri, "suzdržalo" se šest poslanika. "Za" drugi amandman glasalo je 30 (Federacija BiH 21, RS devet), "protiv" tri, "suzdržalo" se šest poslanika.

Sa 30 glasova za (Federacija BiH 22, RS 8), i 10 "suzdržanih", Dom je usvojio Zakon o izmjenama i dopunama Zakona o upotrebi i zaštiti naziva Bosne i Hercegovine, sa usvojenim amandmanima.

Ad. 3. Prijedlog zakona o izmjenama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu (predlagač: Vijeće ministara BiH), sa Izvještajem Zajedničke komisije za odbranu i sigurnost

Predsjedavajući je podsjetio da je Izvještaj nadležne komisije o Prijedlogu zakona iz ove tačke negativan i da se raspravlja i odlučuje o Izvještaju.

U raspravi su učestvovali Šefik Džaferović i Mirko Okolić.

Prilikom glasanja Dom nije usvojio Izvještaj Komisije. "Za" Izvještaj glasalo je 15, "protiv" 24, "suzdržao" se jedan poslanik.

Prema tome, Prijedlog zakona vraćen je nadležnoj komisiji radi dostavljanja novog izvještaja.

Ad. 4. Prijedlog okvirnog zakona o zaštiti i spašavanju ljudi i materijalnih dobara od prirodnih i drugih nesreća u BiH, prvo čitanje

Poslije kraćih uvodnih napomena, u ime nadležne komisije govorio je Šefik Džaferović. U raspravi je učestvovala Azra Alajbegović.

Prijedlog zakona usvojen je u prvom čitanju sa 38 glasova "za" (Federacija BiH 24, RS 14), dva poslanika bila su "suzdržana".

Ad. 5. Prijedlog zakona o izmjenama i dopunama Zakona o krivičnom postupku BiH, prvo čitanje

Šefik Džaferović govorio je u ime Ustavopravne kao nadležne komisije. Zatražio je, uz ostalo, podršku Doma za otvaranje javne rasprave o Prijedlogu zakona.

U raspravi su učestvovali Momčilo Novaković i Beriz Belkić.

Sa 37 glasova "za" i tri "suzdržana", usvojen je Prijedlog zakona u prvom čitanju.

Također je podržan prijedlog predsjedavajućeg Ustavopravne komisije da se o Prijedlogu zakona o izmjenama i dopunama Zakona o krivičnom postupku BiH provede javna rasprava.

Ad. 6. Prijedlog zakona o dopuni Zakona o službenom glasilu Bosne i Hercegovine (predlagač: poslanik Adem Huskić), prvo čitanje

Predsjedavajući Živković dao je kratke uvodne napomene.

U svojstvu predlagača, Adem Huskić kratko je obrazložio Prijedlog zakona.

U raspravi su učestvovali: Šefik Džaferović, Husein Nanić, Momčilo Novaković, Mirko Okolić, Selim Bešliagić, Savo Erić i Bajazit Jašarević.

Poslije rasprave, Dom je, sa 34 glasa "za" (Federacija BiH 22, RS 12) i tri "suzdržana", usvojio Prijedlog zakona u prvom čitanju, uz konstataciju da treba pribaviti mišljenje Vijeća ministara BiH o ovom prijedlogu zakona.

Sa 39 glasova "za" (Federacija BiH 25, RS 14) i jednim "suzdržanim", usvojen je zaključak koji je predložio Momčilo Novaković, a koji glasi:

Predstavnički dom Parlamentarne supštine BiH traži od Javnog preduzeća NIO Službeni list Bosne i Hercegovine da hitno, a najkasnije u roku od 15 dana, dostavi Domu izvještaj o radu za 2007. godinu, s akcentom na finansijske pokazatelje, te plan rada i budžet za 2008. godinu.

Ad .7. Izvještaj Zajedničke komisije o usaglašavanju teksta Zakona o internoj reviziji institucija Bosne i Hercegovine

Predsjedavajući je podsjetio da je Zajednička komisija dostavila Izvještaj o usaglašavanju teksta Zakona o internoj reviziji institucija BiH te da je tekst Zakona usaglašen usvajanjem dva amandmana.

Nije bilo rasprave.

Izvještaj Zajedničke komisije usvojen je sa 35 glasova "za" (Federacija BiH 21, RS 14) i četiri "suzdržana".

Ad. 8. Odluka Predsjedništva BiH o utvrđivanju kandidata na generalske pozicije u Oružanim snagama BiH (broj:01,02-03-110/08, od 23.1.2008.)

Predsjedavajući je u uvodnim napomenama podsjetio da je Zajednička komisija za odbranu i sigurnost dostavila Izvještaj u kojem je podržala kandidate utvrđene u Odluci Predsjedništva BiH.

Milorad Živković je u raspravi iznio određena pitanja i dileme, na koje je odgovorila zamjenica ministra odbrane Marina Pendeš.

Dom je, sa 36 glasova "za" (Federacija BiH 23, RS 13) i četiri "suzdržana", potvrdio Odluku Predsjedništva BiH o utvrđivanju kandidata za generalske pozicije u OSBiH, kako slijedi:

1. Brigadni general **Anto (Andrije) Jeleč** - na dužnost komandanta Operativne komande Oružanih snaga BiH;
2. Brigadni general Dragan (Šćepana) Vuković - na dužnost komandanta Komande za podršku Oružanih snaga BiH;
3. Brigadni general **Husein (Huse) Tursanović** - na dužnost zamjenika komandanta Komande za podršku Oružanih snaga BiH;
4. Brigadir **Ivica (Blage) Jerkić** - na dužnost komandanta 4. pješadijske brigade Oružanih snaga BiH;
5. Brigadni general **Mirsad (Salke) Gutić** - na dužnost komandanta 5. pješadijske brigade Oružanih snaga BiH;
6. Brigadni general **Stamenko (Svetozara) Novaković** - na dužnost komandanta 6. pješadijske brigade Oružanih snaga BiH.

Ad . 9. Informacija Vijeća ministara BiH o aktivnostima u vezi sa osnivanjem i radom Komisije za ispitivanje istine o stradanju Srba, Hrvata, Bošnjaka, Jevreja i ostalih u Sarajevu, u periodu od 1992. do 1995.godine

O ovoj tački vođena je duža rasprava u kojoj su učestvovali: Slavko Jovičić, Remzija Kadrić, Jozo Križanović, Mirko Okolić, Denis Bećirović, Sadik Bahtić, Selim Bešliagić, Snježana Rajilić, Bakir Izetbegović, Milica Marković, Sadik Ahmetović, Ekrem Ajanović, Azra Alajbegović, Sefer Halilović, Momčilo Novaković, Martin Raguž, Branko Dokić, Rifat Dolić i Milorad Živković.

U raspravi su prijedloge zaključaka podnijeli: Bakir Izetbegović, Remzija Kadrić, Slavko Jovičić, Jozo Križanović, Selim Belagić, Mirko Okolić i Milorad Živković.

S obzirom na veliki broj zaključaka, predsjedavajući Živković predložio je da se predloženi zaključci prosljede Zajedničkoj komisiji za ljudska prava koja će Domu predložiti određene sistematizirane zaključke u vezi s ovom tačkom dnevnog reda.

Ovaj prijedlog predsjedavajućeg usvojen je sa 35 glasova "za" (Federacija BiH 22, RS 13), jednim "protiv" i tri "suzdržana".

Ad.10. Izvještaj o zaštiti ličnih podataka u Bosni i Hercegovini i o radu Komisije za zaštitu podataka za 2007. godinu

U raspravi o ovoj tački učestvovali su: Adem Huskić, Momčilo Novaković i Husein Nanić.

Sa 29 glasova "za" (Federacija BiH 20, RS devet), šest "protiv" i tri "suzdržana", Dom je usvojio prijedlog Adema Huskića da se izjašnjavanje o Izvještaju iz ove tačke odgodi zbog odsustva predstavnika njegovog podnosioca te da se Izvještaj vrati nadležnoj komisiji na obnovu postupka, s obzirom da ni sjednici Komisije nije prisustvovao predstavnik podnosioca Izvještaja.

Na prijedlog Momčila Novakovića, Dom je, povodom Izvještaja, usvojio sljedeći zaključak:

- 1. Obavezuje se Komisija za zaštitu podataka da osmisli plan aktivnosti s ciljem upoznavanja građana o ovoj problematici.**
- 2. Obavezuje se Vijeće ministara BiH da finansijski i organizaciono osigura realizaciju ovog plana.**

Zaključak je usvojen sa 37 glasova "za" (Federacija BiH 23, RS 14), dok su dva poslanika bila "suzdržana".

Ad.11. Izvještaj o radu Državne regulatorne komisije za električnu energiju u 2007. godini

U ime nadležne komisije kratko je govorio Branko Dokić.

U raspravi su učestvovali: Husein Nanić, Azra Hadžiahmetović i Branko Dokić.

Sa 36 glasova "za" (Federacija 23, RS 13), jednim "protiv" i tri "suzdržana", usvojen je Izvještaj o radu Državne regulatorne komisije za električnu energiju u 2007. godini, sa sljedećim zaključcima:

- 1. Uzimajući u obzir značaj elektroenergetskog sektora Bosne i Hercegovine i potrebu primjene novih direktiva i propisa Evropske unije iz oblasti električne energije, obavezuje se Vijeće ministara BiH da pristupi izmjenama i dopunama postojećih zakona, i to: Zakona o prijenosu, regulatoru i operateru sistema električne energije u BiH, Zakona o osnivanju kompanije za prijenos električne energije u BiH i Zakona o osnivanju nezavisnog operatera sistema za prijenosni sistem u BiH.**
- 2. Predlaže se Nezavisnom operateru sistema u Bosni i Hercegovini da organizira javnu raspravu o indikativnom planu razvoja proizvodnje električne energije za period od 2009. do 2018. godine, kako bi svi učesnici u elektroenergetskom sektoru imali mogućnost da iznesu svoje stavove i mišljenja.**

Ad. 12. Izvještaj o radu Ureda za razmatranje žalbi u 2007. godini

Poslije uvodnih napomena predsjedavajućeg, u raspravi su učestvovali Savo Erić i Sadik Bahtić.

Prilikom glasanja, Dom je, sa 33 glasa "za" (Federacija BiH 23, RS 10), tri "protiv" i tri "suzdržana", usvojio Izvještaj o radu Ureda za razmatranje žalbi u 2007. godini, sa zaključkom koji je predložila nadležna Komisija za finansije i budžet, a koji glasi:

Traži se od Vijeća ministara BiH da, u roku od 90 dana, sačini novi prijedlog zakona o javnim nabavkama BiH, radi poboljšanja procedura javnih nabavki i usaglašavanja s tekstom direktiva Evropske unije, a potom ga dostavi u parlamentarnu proceduru.

Ad.13. Prijedlog rezolucije o odgovornosti (predlagači: poslanici Kluba SNSD-a)

Poslije uvodnih napomena predsjedavajućeg, Drago Kalabić je, u ime podnosioca Prijedloga rezolucije, podnio obrazloženje.

U raspravi su učestvovali: Bakir Izetbegović, Branko Dokić, Denis Bećirović, Šefik Džaferović, Drago Kalabić, Momčilo Novaković, Milorad Živković, Selim Bešlić, Mehmed Suljkanović, Martin Raguž, Jozo Križanović, Niko Lozančić, Hadži Jovan Mitrović i Jerko Ivanković Lijanović.

Amandmane na Prijedlog rezolucije podnijeli su Momčilo Novaković i Denis Bećirović.

Jerko Ivanković Lijanović predložio je zaključak po kojem bi bila osnovana radna grupa za izradu Ustava BiH.

Klub SDA predložio je sljedeći zaključak:

„Klub SDA predlaže da se, povodom Rezolucije SNSD-a, te sadržaja diskusija poslanika o ovoj rezoluciji, osnuje radna grupa u čiji sastav bi ušla po dva člana iz svakog kluba poslanika. Radna grupa bi, na osnovu Rezolucije, u roku od 30 dana, formulirala zaključke koji će iskazati opredijeljenost poslanika Predstavničkog doma Parlamentarne skupštine BiH za poštivanje i cjelovitu primjenu Dejtonskog mirovnog sporazuma, stabilan politički i ekonomski razvoj cijele zemlje, ubrzan put ka euroatlantskim integracijama, ravnopravnosti naroda i građana i dalje unapređenje ljudskih prava na cijeloj teritoriji BiH.“

Predsjedavajući je rekao da je predlagač Rezolucije prihvatio prijedlog ovog zaključka i predložio da se doda **da klubovi u roku od sedam dana predlože svoje predstavnike u ovu grupu kako bi počeli raditi, te da se rok od 30 dana računa od dostavljanja prijedloga članova ove grupe.**

Sa 23 glasa "za" (Federacija BiH 14, RS devet), 10 "protiv" i šest "suzdržanih", usvojen je zaključak koji je predložio Klub SDA, s dopunom koju je iznio predsjedavajući Živković.

S obzirom da je usvojen prethodni zaključak, nije se glasalo o amandmanima Bećirovića i Novakovića, niti o prijedlogu zaključka Jerka Ivankovića Lijanovića.

Ad. 14. Imenovanje tri člana u Zajedničku komisiju radi usaglašavanja Zakona o izmjenama i dopunama Zakona o putnim ispravama Bosne i Hercegovine

Nije bilo rasprave.

Dom je, na prijedlog Kolegija, u Zajedničku komisiju imenovao: Remziju Kadrića, Milicu Marković i Velimira Jukića. "Za" imenovanje glasao je 31 poslanik (Federacija BiH 20, RS 11), osam poslanika bilo je "suzdržano".

Ad.15. Prijedlog za dopunu interparlamentarnih grupa prijateljstva Parlamentarne skupštine BiH (predlagač: Komisija za vanjske poslove Predstavničkog doma)

U raspravi o ovoj tački učestvovali su: Husein Nanić, Beriz Belkić, Šefik Džaferović, Milorad Živković, Mehmed Suljkanović i Jozo Križanović.

Poslije rasprave, sa 35 glasova "za" (Federacija BiH 22, RS 13) i pet "suzdržanih", usvojen je Prijedlog za dopunu interparlamentarnih grupa prijateljstva Parlamentarne skupštine BiH, kako slijedi:

- u 2. grupu za zapadnu Evropu imenovani su Milica Marković i Vinko Zorić;
- u 3. grupu za srednju i istočnu Evropu imenovan je Šefik Džaferović;
- u 4. grupu za Aziju imenovan je Mirko Okolić,
- u 5. grupu za Afriku i zemlje Bliskog istoka imenovana je Azra Alajbegović i
- u 6. grupu, za Sjevernu i Južnu Ameriku, Australiju, Okeaniju i Japan, umjesto Beriza Belkića, imenovana je Azra Hadžiahmetović.

Ad. 16. Prijedlog rezolucije o nepriznavanju jednostrano proglašene nezavisnosti Kosova i Metohije (predlagač: poslanik Branko Dokić)

Branko Dokić podnio je obrazloženje Prijedloga rezolucije.

U raspravi su učestvovali: Sadik Ahmetović, Branko Dokić, Ekrem Ajanović, Sadik Bahtić, Šefik Džaferović, Rifat Dolić, Denis Bećirović, Mirko Okoklić i Savo Erić.

Prilikom glasanja, "za" Prijedlog rezolucije glasalo je 12, "protiv" 23, "suzdržala" su se četiri poslanika. Prema tome, Rezolucija nije usvojena.

Ad. 17. Inicijativa poslanika Denisa Bećirovića o donošenju strategije o borbi protiv korupcije u Bosni i Hercegovini

Poslije uvodnih napomena, Denis Bećirović kratko je obrazložio Inicijativu.

Nije bilo rasprave.

Sa 30 glasova "za"(Federacija BiH 23, RS sedam), jednim "protiv" i devet "suzdržanih", usvojena je sljedeća inicijativa:

„Imajući u vidu potrebu za odlučnom i korjenitom borbom protiv svih oblika kriminala i korupcije u Bosni i Hercegovini, a želeći jasno definirati obaveze svih organa vlasti da izrade precizne akcione planove u borbi protiv kriminala i korupcije, Predstavnički dom Parlamentarne skupštine BiH usvaja inicijativu kojom zadužuje Vijeće ministara BiH da, u saradnji s nevladinim organizacijama koje se bave pitanjem borbe protiv kriminala i korupcije, izradi i Parlamentarnoj skupštini BiH dostavi tekst strategije za borbu protiv korupcije. Rok za dostavljanje strategije je najkasnije tri mjeseca od dana usvajanja Inicijative.“

Ovim je realiziran dnevni red 24. sjednice.

Sjednica je završena u 16,15 sati.

Sastavni dio Zapisnika je transkript sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković